

PILIPO LELEOPOCANAJA POI PO JILICA

Tata Pábaloa zehuitapo



PILIPO LELEOPOCANAJA POI PO JILICA

Tata Pábaloa zehuitapo

La carta de Pablo

a los FILIPENSES

Versión en Araona

Traducido por

EL INSTITUTO LINGUISTICO DE VERANO

1980

33

PILIPO LELEOPOCANAJA POI

*Pábaloa zehuitapo jilica,
Pilipo leleopocanaja poi,
Tadicatapoa todicana daocuahue poi*

1 1 Tata Pábaloa mipa zéhuitani.

1 Tadicatapoa todicana bíabatani pocanaja poi zéhuitani, daocua cuahue Pilipo leleo nétipo Jesoso metsepocanaja poi zéhuitani. Tsema, Timotéolipi nae, jidyó Loma leleo nėti. Jesosoa eiloi detse poi bātini. 2 Tadicatapoa, Jesusolipia micana atsahuaibotajaecata tseama bāni. Tsíjabati metajaecata bāni.

3 Quétsio micana biyo nímabanitsio, Tadicatapo --jálipiquia --cuaeni.

4,5 Micanaja Jesoso biyo tsababetsotatsohue ema eatsahuatsane. Jesoso biyopocana shipa cuaedeati cuadeaticata pa-a pojo eatsahuatsane. Dipa eahue-odi ema micanaja. Dipa batso, quétsio ema Tadi nae micana poi mémimini

misiohua, jaidya jabati nae dipa mēmimini.

6 Tadicatapoa micana jaidya poi tso mētsane. Jaidya mashapo shīpa-aso, shīpa-aso eatāiyoa. Jesusolipi nōjobo-ani-isha tsio jaidya poāni-odi Tadicatapoa eapeataibo-ani, bamehue yama.

7 Ema micana najotsio, cuada Jesusolipi biyopocana mepai cuaehue ea. Behuehue ema ijitaezo eanitsio micanaja ema olibaibo-odi-isha. Dipa batso, Tadicatapoa micana jaidya poāni-odi eapeataibo-ani bamehue yama. Dipahue dipa batso yama micana iboetatoa pipoma. 8 Mosoneda tsība eaneti-odi pehue. Jesusolipia ema dipa mepoa eatanio, ema dia poāni. Ema Tadicatapo metse jabatitso maesa pohue ai iboba pipoma.

9 Micana poi yama Tadicatapo dipa cuāeni:

--Dacana a-aba bātiji masha meque, Tadi. Pe-asocata poi masha meque. Animepia masha meque. 10 Dipa aque, ai ajai amanepocana pehue jaidya bātani papo pojo.

Micana jaidyatoacatapocana pehue jaidya bāni potsomo, Jesoso baibotsio, pāja pō-anicata pehue pipoma pō-ani. Jaidya poipocana pehue eani potsomo, ai ñimeoma metse pehue pō-ani. 11 Ajai-odipo tsedapocana pō-ani. Jesoso me lelejaihuecatapo poi pō-ani. Tadicatapo jaidya cuae e-ani.

12 Mamazaocana, ema ijitaezo eanipo batso nime-isi pojaena pipoma potaesahua. Tatacanaja ema ishahatapo biyo cuada pāhuelipia bātini pipoma potsobale. Jaidya bātini pehue potsobale. Yama Jesoso biyo cuāehueya piama. Shīpaecata bale e-aiyoamo. 13 Cuichacatapo biabaijicana, pe-ishapo nojo-odipocana apamo Jesoso biyo tso ecuae. 14 Dipahue, jidy leleo nētipo mamazaocana, Jesoso abeibe poi masha dyatsio, yama bāni. Ema, ijitaezo eani bime, animejoji baibotso, abeibe poi masha poāni, mosojo mahue masha poāni. Jesoso tsi-a alelajaicana shīpaecata cuaedela-odi pehue a-odi, bāni.

15-18 Mamazao betamo bale
nime-isitiana. Tsedapocanaja ema shipa
iyoda ba-odi batso nime-isitiana. Joda
mamazaocana jo pehue poi pojo Jesoso biyo
cuaedea-odi. Ema nime-isi poi pame ezae
dia a-odi. Jepea bale, ema huadahue a-aba
pojo, Jesoso tsi-a alelajaicana
cuaedea-odi. Ema atsahuaibojae pehue.
Bale aiyaja Jesoso biyo cuãetani tsio
quimamo dipahue ajai. Nime jaidya pehue
emamo p̄-ani. 19 Daocua ba-odipocana
ajai poi pehue p̄-ani ema jabatimehue.
Dipa pojo nime ajai p̄-ani. Micanaja ema
poi Tadi nae mimi-odi pojo, ajai pehue
p̄-ani. Tadicatapoa Shamaja ema
atsahua-odi pojo, ajai pehue p̄-ani.

20-23 Quetsiomo Jesusolipi masahue cuae
pipoma potsobalecata ema bātini, joda biyo
bisojae pipoma papo ezae. Dipapohue mosojo
mahue potsobalecata, jodalipi jaidya cuae
pehue pa-a ezae. Dia pibama po nae Jesoso
jaidya cuae atsobale, manofbo nae bime ja,
izenia naehue ja. Dya dipa po da isha
potsomo quimamo dipahue ajai. Shipa
neti-eje potsomo Jesusolipi biyo shipa

cuaedea-eje atoa yama. Manofbo potsomo bale dipahue ajai. Jesusolipi najo poibotso bale da poetibahue, joda najo pehue ajai masha pojo. 24 Bale micana shipa pacuaedea ezae shipa neti-ejetame. 25 Dipa jabatitso shipa neti-eje pō-ani jabatime ema. Dipa ema potsobale, micana Tadi metse shipae poīcata pameibo ezae, nime jaidya metse poīcata pameibo ezae. 26 Ema micana dōjojo isha tsio, Jesosoa ema pēyota pojo --Ji, Jesusolipimo naicata ajai --micana e-anicata.

27 Tsedapocana Tadicatapoa tōdicana poīcata poibotoa. Dipa Tadia tso cuēeme ea. Micana bale Tadia tōdicana poi tso poībo. Dipa batso Tadicatapo ijanacata potsobale, huada toditoacatapo batahue netime papo ezae. Daocua cuajahue Jesoso alelajaipocana tsīdyojoyoa a-odi mepoque. Micanaja dipa eanipo baibotsobale yama. Bānatibo-isha apitsa potsomo, micana dipa eanipo tsabajaibotsobale yama. 28 Micana Jesoso tsi-a a-odi batso pojo tata betaja adojo, ishejaecata poāni ja. Jodacana biyo queoli pipoma mepoque. Bedia eatani

jabatime pehue potame quia micana. Micana
 dipa po-odi potsomo joda nedaiji
 eatanipocanaja dipa nimeba-atani:
 Tadicatapoa dipa mepoa eatani pojo damo
 dipa. Izejanahuati lacua poi. Cuãdamo
 atsa shodi. Maesa pō-ani.

29 Bale dācana dipa bamehue meaque:
 Tadi metse pipoma pocanaja Jesosoa
 eiloicana nedaiji alelajai. Bale Jesoso
 cuãdaja poi neda mebati-ana. Dipa bātso
 dya-isha cuada huada poi bisha neda
 mebaibojae isha eani potsobale. 30 Jesoso
 cuae-odipo biyo ema neda bātini po-asha
 jodo micanaja tso eba. Behuehue ema jidyō
 ijitaezo dipahue-isha poānipo micanaja
 tsābasani. Micana neda bātini potsomo,
 ema po-odi isha batahue cuãda mepai dia
 pohue.

2 1 Bale Jesosoa micana animejoji
 mehuiquitneti-odi. Huada micana abada
 cueme basha jabatitso, micana jaidya
 bātini. Huada hua shama metse micana
 dōjotaiyoa. Da metse micana abada bātiji
 mētaneti. 2 Huada micana dipa eatani

batso, nime-ono do-odipo metse mepoque.
 Abada bātini-odi mepoque. Micana dipa
 pō-ani pojomo, ema jaidya cueme bātini
 pō-ani. 3,4 Jo pehue ajai, jo pehue
 jame-ati-odi pipoma potsobale. Quetsio
 naeda eimaolipi poi eani pi-ama. Naeda
 bicuizia poi batsobale. Oliba nae, atsahua
 nae netitso bale. 5 Jesoso
 nime-onome-isha batahucata cuada
 potsobale. 6 Joda Tadicatapoa bācuacata.
 Tadicatapoa batahue-isha nime-onome.
 Dipahue-ishacata bime, dipahue-isha pojae
 pipoma. 7 Hua nimehue bale jo pehue eimao
 poi jati-ana. Eloi poipo nime-ono metse
 poāna epo. Tata poihue poāna epo,
 ehuaotsio. 8 Dipa potso jo pehue shipa
 eimaohucata masha poi jati-ana. Cuada poi
 acui cuichao memanoibo. Tadicatapoa cuaeme
 eatanihucata dia a-atajaicata pehue epo.
 9 Dipa batso Tadicatapoa joda bicuiziacata
 poi eahuiquibo. Da pehue bicuiziacata eani
 eahuiqui. 10,11 Tsedapocana daocua
 cuahue, cuichai pipoma pocana nae --naecata
 sha da cuichata --popeataibo-ani papo pojo,
 Huada dia ea. Bacueje pocanāja, ehua

mi-osojojocanaja, ehua cuichae pocanaja
 Jesosolipi patai iyoda pome bā-atani
 pa-ata pojo, dia ea. Jodacana dipa eatani
 dōjojo Tadicatapo jaidya cuae pō-ani.

12 Mamazaocana, yama amosone bāni
 pocana, ema jodo nētitsio micana dia
 a-atajai epo. Yama cuae-odipo biyo dia
 a-atajai epo bana. Bale ema dohue pipoma
 tsio, shīpaecata dia a-atajaicata mepoque,
 Jesimo epo-isha batahue. Tadicatapoa mipa
 ajai eapocana boana jaidya eani-odi
 ataesahua. Tadicatapo iyoda ba nae dipa
 ataesahua. 13 Dipa bānipo pi-iboetama
 aque: Tadicatapoa cuada shābajataneti,
 dia a-atajai potoa papo pojo, dia a-atajai
 pojae-odi papo pojo, cuada Huada
 eatanihuecata papo pojo.

14 Quētsiomo ifacuetizeiyehuesahua
 pipoma. Quētsiomo pea jaibobabobati
 poāni pipoma. 15 Dipamo pojae poāni
 pipoma mepoque, bisojae pipoma papo ezae,
 nime-ono jaidya-odi pehue papo ezae.
 Micana dipa poāni potsomo, aiyaja micana
 māsabatani pipoma, Tadicatapoa
 toditoacatapo pojo. Bale micana

pāhuelipija dōjojo nēti. Dipa ai
 ābapei dōjojo nēti. Dipa jabatitso
 boanaiji poi potame, pāhuelipija pocanaja
 micana paboanata pojo, dacana Tadi metse
 poibotoa papo pojo. 16 Eizeneti poilacua
 pocana, Jesoso biyo pocana, nahue bahue
 pi-ama. Da tidyea-odi pehue atsobale.
 Micana dipa eani pojomo, Jesoso
 nojoibo-isha tsio nimejaidya bātini ema
 pō-ani. Micana Jesoso biyo nomacuae pehue
 pipoma batso pojo, nimejaidya bātini ema
 pō-ani. 17 Yama micana pe-ishapocana nae
 Jesoso metse tso eme. Dipa batso pojo
 jepeamo ema isheanaibojae eatani. Bale ema
 dacana ezae batso mēmanocuae-anati-ani
 potsomo, jaidya jabatibishapo pehue
 pō-ani. 18 Micana dipahue nimejaidya
 pehue potame, ema manoibojo bime.

19 Jesusolipia, Cuicha Meijipoa, dipa
 jaidya pojomo, yama bēlicata Timotēolipi
 micana beneje cuāehuiquibo-ani. Huada
 micana bānatibotso, huada ema micana biyo
 pacuaepejaiñataibo pojo, ya dia eani.
 Micana dipa, tsabajatso, ema ai ñimeoma
 pō-ani. 20 Timotēo bale ema isha

batahue nime-onome bāni. Huada yama eani-isha batahue micana abada-odi bātani. Micana biyo nimebaneti-odi. 21 Jepeamo bale hua-apo jaidyapo hua po pehue. Tata Jesoso hua po poāni pipoma. 22 Jodalipi bale jaidyatoacata micanaja bamehue.

Tsémahue Jesoso biyopocana cuaemodo-odi eanitsio joda quima bācuedea poi batahue epo, micanaja bamehue. 23 Quetsio ema aiyaja dia a-ataibo-ani ema jatsabajatitso daiya Timotēolipi cuāehuiquibo-ani micana beneje. 24 Dipahue Tadicatapoa dipa jaidya bātani pojomo, yahue ai atsonolimi potso micana bashanaibotoa.

25 Cuadaja mamazaohue, Tata Epapodito, joda behuehue micana beneje ilohuiquibotso bale bāni. Micanaja joda ilohuiyajao-asha, ema jidy pa-olibata pojo. Micana eaniohue epo. Ema a-atsahuajai e-ashao. 26 Behuehue bale huada micana noahue-isha baibotso balecata bātini. Micanaja jodalipi atsacata tsabaja-asha batso --Dya isha ema jaihue --cuaeibome atsobalecata bātini. 27 Dāehuecata atsacata epo baja.

Ajenicata pō-anati. Tadicatapoa bale olibata. Bale tata Epapodīto nae ema nae dia asha pai ea, ema joda biyo amosone pipoma papo pojo. 28 Dipa batso, yama joda ilohuiquibojae, micana joda pabaibo-isha pojo, ai ñimeoma papoibo pojo. Micana ai ñimeoma poibojo ema dipahue ai ñimeomahue-isha poībo-ani. 29,30 Joda nime ajaipo nae mejemiquiboque isha. Mamazao poi aque. Micanajamo ema atсахua apitsa batso joda ema najo pōshao. Tata Jesoso metse jabatitso ema eatsahuahue-odi pōshao. Bale dipa eatanitsio joda cuaeso manocuae pehue pōa. Da batahuepo tata jaidya pehue baibotso bale.

3 1 Dipahue mamazaocana, Tadicatapoa micana poi daocua ai mé-atani batso, jaidya bātini potame. Cuaesa-ashapocana biyo noahue-isha pacuaeibo. Joda yamamo a-ataeni pipoma. Micanamo poi bale ajai, boanaiji bā-ani pojo, aiyaja pidilohuiquimema pa-ata pojo. 2 --Cuicha pezo sehuiquitso bale --a-odipo tatacana biyo jabatijaidya pō-ani mepoque.

--Cuicha pezo seohuiquitso pehue Tadicatapo metse poibota --cuaeme eatani noshi.

3 Dyamo da batahuepomo etse Tadia poi nimetsia bñani pi-ama. Jesoso pehue etse Tadia poi nimetsia meibomane jabatimehue cuãda. Tadia shamaja cuãda eatsahuatani tsio pehue Tadicatapoa poi jaipicata netime poibotoa. Cuãdahue pehuemo nimetsia poi poíbo apitsa cuãda jabatimehue. 4 Apamo ecuichacana Tadia poi jo pehue pa nimetsia poi poíbo jabatime. Ema bale shípaecata jabatime pōshasahua. Tatajamo poi nimebaiquibishapo pehue pocana metse pa jaipicata bame pōshasahua. 5 Quima opia pōjaenatipo tata, tata Isa-éli epo. Joda, Tadi nae jaidya poisa po. Quima tadi, huadi jodaeneti pobeá batso Isa-éli detsehucata epo. Quima cuicha pezo séometi dipahue, ema ezoelipitsio, Isa-élicanaja alelajaipo batahue. Isa-élicanahucata netime. Dipahue paliseo tata epo. Dipa pojo tata Moisea zehuitapo mipapo aque alelajaicana, Tadicatapoa poi pa bame atso abeibei poi, yama básahua. 6 Jesoso metse pocanaja

páhueja cuaeme a-odi, pa bame eani
jabatitso, yama nedaiji eashasahua. Daocua
dipa batso, emahue pa nimetsiacatapo bame
easahua. 7,8 Bale dyamo daocua joda
nimetsia poi bāsahua pocanamo nimetsia poi
pipoma bāni. Joda pāhuelipia pocanamo
abeibei poi pipoma. Jesoso po pehue
abeibei poi dyamo. Dalipi izeicatalacua
bāni, da pehue Izemeiji poi bāni. Dipa
batso dāhuapo poi pehue dyāmo. 9 Ya
pehuemo ema nimetsia poi jatibojae-isha
pipoma. Dyatsio bale Jesoso nae
pimeyamacata jatijae. Da nae tsio, da
tsi-a eanitsio pehue Tadicatapoa ema
nimetsiacata poi bātaneti-odi. Dipa
bamehue batso, Jesoso pehue tsadacata bajae
dyamo. 10 Jesoso batahue-isha nime-onome
pehue pojae emamo. Jesoso, eizeneticatapo,
ema atsahuaibotajaecata ema bātini, ema
tata shacua poi papoibo pojo, jaidyacatapo
tata batahue netime papo pojo. Tadicatapoa
cuāetanihue potsobale emamo bātini, da
biyo neda cueme bātini bime. Jesusolipi
epohuecata batahue-isha pojae. Dipahue,
joda quima poi mémanoibo batso, Huada poi

pehue netitso bale. Ema poi pehuemo pojae pipoma. 11 Huada nime-ono jemiquitsobale, manofbotso, joda najo izecatalacua papo ezae.

12 Ema shacua pipopemahue.

Jaidyatoacata pipomahue. Bale ema behuehuemo shacua poíbo-anipo hua po poi pehue poíboani. Jesosoa ema hua poi ea batso dipa poíboani. 13 Jaidyatoacata pipomahue bime tsonoda e-ashapocana da iboŕtatitibahue eani. Shacua eanipocana bale tsadacata baiyoajae. 14 Tadicatapoa ema hualeleo jŕo-ataibo-ani bamehue jabatitso, Jesoso nae deatiyoacata pŕjajae bŕtini. 15 Micana, Tadimetse tso pŕbahuena pocana, ema bŕtini-isha batahue potsobale. Aisemo micana pŕjejehue jabatime poŕni pojomo, Tadicatapoa cuŕeshabaja-ataibo-ani. 16 Bale tsŕbabahuena pocana eaneti-odi atsobale.

17 Mamazaocana, micana daocuajahue ema boanatsobale. Bale cuama boana-odi pocana boanaiji poi dipahue. Jodacana nime-a jaidya eani meaque. 18 Taticana beta bale --ema Tadicatapo metse --cuaeme poŕni

bime, Tadia todi batahue netime pipomacata bani. Jodacana piboanama atsobale. Yama micana dipa cuãepeshasahua. Mosoneda ba nae dipa cuaeni. 19 Jodacana hua emio poi pehue. Dyae ai biyo pehue nĩmeba-odi.

Masahue poi pocana a-odi bime, shipa adeati adeati pehue. Dipa a-odi bime paba epocata pipoma. Dipa atsobale pehue bātini. Da batahue pocanamo cuatileleo pehue pō-ani.

20 Cuada bale Tadicatapoa leleo pō-ani.

Joda lele jeneti Ai Izemeijipo Jesoso pōbe-ani. Jodalipi cuadaja eizoaneti.

21 Huada, cuaiñaibotso, cuadaja pãhuejapo cuĩchamo izeicatalacua poi

mẽdeataibo-ani. Be Hua-apo cuĩchahuecata mẽhuiquiataibo-ani. Huada bale dia

aibotoa, aise ajoji mashapo da shipa pa micata pojo. Huada daocua misiohua ai

huada eataniohuecata poãni mẽ-ataibo-ani.

4 1 Dipa batso mamazaolipicana,
amosonecana, Tadicatapo tsi-a aiyoa jaldya meãque.

2 Mama Ehuodia, mama Sfitique, metseda doda bātini pipoma potame sahua.

3 Bocueijilipi mamazao, joda mamalipi detse eatsahuaiboani atame, abada bātini tsíjabati papoíbo isha pojo. Ema micana najo nētitsio huatseda ema nae tata Jesoso biyo cuāetaiyoa. Tata Quemete nae, jepea ema atsahuaicana nae dia asha pai. Daocua jodacanaja bajanicana Tadicatapoa leleo tso eishati. Tadicatapo nae ize pōdeani pocanaja poípo jilica cuichao tso eishati.

4,5 Jesoso metse bātini jabatitso, joda pobeaijojaecata bāni batso, jaidya bātineti-odi netime mepoque. Noahue-isha ya micana pacuae-isha, jaidya bātineti-odi mepoque. Dipahue nimei-odi netime potsobale, Tadi metsepocana dōjojo, páhuelipia pocana dōjojo. Micana nimei netime poánipo naeda dipa baeme-ani aque.

6 Quétsiomo nime-isi pipoma potsobalecata, mamazaocana. Bale ai nime-isi poípo, ai animebata-isi poípo, ai paja mépoanicata poípo bānitsio, Tadicatapo cuaepehúiquibomane. Jálipiquia a nae dia amane. 7 Dipa ahuiquibotsomo, Tadicatapoa, micanaja mōsojo mītsibade mé-ataibo-ani, nime-ono jaidya-odi

mé-ataibo-ani. Micana ai ñimeoma-odi
 pehue e-ataibo-ani. Micana Jesoso tsi-a
 e-anitsio Huada dia e-ataibo-ani. Huada
 dia ataibojo, Tadi metse pipoma pocanaja
 --¿Cuipa potso tso ja jodacana ai ñimeoma
 netime? --e-ataibo-ani.

8 Mamazaocana, matacatapo ojo
 pazehuibo. Jiqueja jaldyacata poipocana
 pehue nimebanetiquiboque. Ai dāehuecata
 pocana nimeba. Da tsimehucata poipocana
 dipahue. Nimei neti poi melelajai pocana
 dipahue. A-aba masha meijipocana dipahue.
 Daocua da batahue pocana pehue
 nimebanetiquiboque. 9 Yama micana
 eizedeameani alelajai pocana jémideatini
 atame. Tsábajape pocana, jémideatini
 atame. Ema boñnani atame. Dipa a-odi
 pojomo Tadicatapo, ai ñimeoma melelajaipo,
 micana dōjojo pō-ani.

10 Micanaja quima poi ilohuiqui-asha
 pocana tso jémiqui. Atsono potso,
 micanajahue ema eolibaiboani isha batso,
 nime ajai ema. Da biyo Tadi --jālippiquia
 --eani. Micanaja ema eolibaneti-odi, bale
 aocuepi batso atsahuanati apitsa. 11 Bale

ya micana mipa cuāeni micanaja ema pamoda patia pojo poi pipoma. Pājacata poīpo bātini bime jaidya jabati pehue pōtoa ema dyamo. 12 Ai mahue bātini bime, jaidya bātini pōtoacata. Ai eani bāni tsio dipahue. Cuipacataja bātini tsio, jējeneti tsio, aidyijae bātini tsio, jaidya bātini pōtoacata. 13 Jesosoa ema ajojiquitso poi mētaneti pojo, dipada ema pehue, pitsada mahue pehue. 14 Ema dipa poāni bime, ema micanaja ai etia batso, micana ai olibaiji poi bāni.

15 Pe-ishapo leleo nētīpo Tadi metse pocanajamo ema ai pitima ea. Masedonia eiye pojaenatibotso, Jesoso biyo cuaebaletsaneibo tsio, ai pitima ea. Micana pehue ai tīmasha ea. 16 Ema Masedonia eiyeo Tesalōnica leleo nētitsio dipahue, ai ilona betacata ea, ema alidyaso bāni batso. 17 Bale micanaja etia po biyo cuāeni, micanaja ema pamoda patia pojo poi pipoma. Tadicatapoa bale dya micana isha alidyaso-isha baibotso balecata yama bāni. 18 Quimamo ai daocua cuahue eanisahuamo. Micanajahue tata Epapodīto

nae ilopae ea pohue eanimō. Da metse acuehue pipoma. Micanaja dia eapo batso Tadicatapoa micana biyo nime ajai bātini. 19 Huada, quima tadi batahue batso, micana, quētsio alidyaso poāni tsio, eoliba-ataibo-ani. Huada bale atsataacata ai batso pojo dipa. Tadicatapo, Jesoso, huatsedamo, ai quētsio acuehue pōpasi-anati pipomacata. 20 Māocua ja. Tadicatapo, cuadaja eimeaiji, jaidyatoacata bāni ajanahuatitso balecata micana.

21 Jesoso metsepocana dāocua cuahue mipa cuaeibome aque:

--¿Cuipa shodi tso ja pa micana dyatsio?
--tata Pābaloa eatani. Ema najo po mamazaocanaja dipahue-isha eatani.

22 Jēpea jidyō Loma leleo nētīpo Jesoso metsepocana dipahue micana biyo nimebahuiqui-odi. Neti metsepoa etaezo modolelajai pocanaja bale shīpaecata eatani. 23 Jesosoa, Cuicha Meijipoa, micana ajaicata poi masha medea medeacata atajaecata ema bātini. Bemaocua Pābaloa ea.